

**Dissertatio inauguralis medica de curatione morborum per vapores ... /
publice defendet auctor Fridericus Ludovicus Heroldt.**

Contributors

Heroldt, Friedrich Ludwig, 1756-
Royal College of Surgeons of England

Publication/Creation

Ienae : Litter. Fickelscherr. haer. et Stranckmannianis, [1783]

Persistent URL

<https://wellcomecollection.org/works/be75zgkh>

Provider

Royal College of Surgeons

License and attribution

This material has been provided by The Royal College of Surgeons of England. The original may be consulted at The Royal College of Surgeons of England. where the originals may be consulted. This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

17.

DISSE^TAT^O IN AVGVRALIS MEDICA
DE
CVRATIONE MORBORVM
PER VAPORES

QVAM
RECTORE ACADEMIAE MAGNIFICENTISSIMO
SERENISSIMO DVCE AC DOMINO
DOMINO
CAROLO AVGVSTO
DVCE SAXONIAE, IVLIACI, CLIVIAE, MONTIVM, ANGA-
RIAET GVESTPHALIAE REL.
CONSENSV GRATIOSI MEDICORVM ORDINIS
PRAE S I D E
ERNESTO ANTONIO NICOLAI

MEDICINAE ET PHILOSOPHIAE DOCTORE
POTENTISSIMI BORVSSORVM REGIS, SERENISSIMI DVCIS SAXO-VINARIENSIS
AC ISENACENSIS, SERENISSIMI PRINCIPIS SONDERSHVSA-SCHWARZBURGICI,
SERENISSIMORVM PRINCIPVM DE SOLMS-BRAVNELS CONSILIARIO AVLICO
HORVMQUE ARCHIATRO, COMITE PALATINO CAESAREO, PROFESSORE MEDICI-
NAE PRIMARIO, FACULTATIS MEDICAE SENIORE ET H. T. DECANO, ACADE-
MIAE ELECTORALIS MOGVNTINAE SCIENTIARVM VTLIVM ET SOCIETATIS
REGIAE BORVSSICAE FRANCOFVRTENSIS VIADRINAE ASSESSORE, ACADEMIAE
CAESAREAE NATVRAE CVRIOSORVM ET SOCIETATIS ACADEMICAE PRINCIPA-
LIS HASSIACAE SODALI, SOCIETATVM LATINAЕ DVCALIS IENENSIS ET MARCHI-
CO-BADENSIS, TEVTONICAE IENENSIS SVBLIMIORVM SCIENTIARVM
SODALI HONORARIO

PRO GRADV DOCTORIS
MEDICINAE ET CHIRVRGIAE
SVMMISQVE IN VTRAQVE MEDICINA HONORIBVS
IVRIBVS AC PRIVILEGIIS
RITE OBTINENDIS
DIE VIII. DECEMBER. C^{CCCC}LXXXIII.

PVBLINE DEFENDET.

AVCTOR

FRIDERICVS LUDOVICVS HEROLDT
VINARIENSIS.

IENAE

LITTER. FICKELSCHERR. HAER. ET STRANCKMANNIANIS.

СЛОВА ОМОТИА ОТСНИ

DVCATVS SAXO-VINARIENSIS
STATIBVS PROVINCIALIBVS
GRAVISSIMIS

REVERENDISSIMO
P R A E L A T O

PERILLVSTRIBVS ILLVSTRIBVS GENEROSISSIMIS
PRAENOBILISSIMISQVE

P R A E D I O R V M E Q V E S T R I V M
P O S S E S S O R I B V S

H A V D V V L G A R I
HONORE AC PRVDENTIA CONSPICVIS
C I V I T A T V M C O N S V L I B V S
E T

S E N A T O R I B V S
D O M I N I S

PRO CVIVSVIS DIGNITATE
EA QVA PAR EST
R E V E R E N T I A ATQVE HONORE
N V N Q V A M N O N P R O S E Q V E N D I S .

DACATAS SAXO-ANGLICANIS

STATIBVS PROVINCIALIBVS

CAVASSIMI

EXCEPENDISSIMO

ОТАДЯ П

LIBRIVS TITULVS IN STYLIS GENEBRORUM

TRANSLATIUS ET AGRICULTORUM

PRAEDIOVM EQUVS TRIUM
POSSESSORIBVS

ХВАДАУЧА

ДЛЯ СЪДИТИЯ СЪЮЗНИКАМ

CITATIL CONSULIBVS

СЪЮЗНИКА

DOINI

ЛЮДИ СЪЮЗНИКАМ

СЪЮЗНИКАМ


ЛЮДИ СЪЮЗНИКАМ

Singrato homine nil terra peius alit. Hinc non
possum, quin *VOBIS* pro tot tantisque beneficiis,
quibus conatus meos in *discenda medicina veterinaria*
adiuvistis, quibus etiam rei familiari in conse-
quendo hoc ipso *Doctoratu subvenistis*, gratias publicas
agam, quas possum, maximas, eas semper habiturus et
pro virium tenuitate quavis data occasione lubentissime
relaturus. Non ignoro, benevolentiae *Vestrae*, ni
SERENISSIMI, quem veneramur, clementia acce-
sisset, me ne compotem quidem fieri potuisse, attamen me

*quoquc non fugit, VOS EIDEM huius gratiae mihi
conciliandae autores fuisse meque IPSI de meliori com-
mendasse. Quae cum ita sint, in signum grati animi
VOBIS specimen hoc qualemunque do, dico, dedicoque,
etiam atque etiam humiliter et sollicite petens, ut illud
benevole accipiatis, Deoque T. O. M. ex animo suppli-
cans, ut VOS omnigena prosperitate frui et omnia, qui-
bus patriae commodo studetis, consilia Vestra felicia
fausta que esse iubeat.*

NOMINVM VESTRORVM

*cultor devotissimus observantissimusque
FRIDERICVS LUDOVICVS HEROLDT.*



§. I.

DC Ad remedia, quibus medici vtuntur ad morbos, quibus homines obnoxii sunt, curandos vapores pertinere, nemini artis medicae vel mediocriter perito incognitum esse potest, et, cum mecum communicaverit illustris Praeses casus, quibus vaporum insignem in affectionibus corporis humani morbos tollendis expertus est utilitatem, spero, fore neminem, si data hac opportuna occasione, qua mihi specimen eruditio- nis exhibendum est, in hoc argumento elaborando, quid ingenium possit, experiar.

A

§. II.

§. II.

Sunt vero vapo^res vel humidi vel sicci, qui suffitus, suffimenta vocantur. Non omnium corporum vapo^res ceu praesidia sanitatis conservandae vel restituendae adhiberi posse, exinde liquet, quod non omnia corpora spargunt vapo^res salubres, sed permulta sanitati noxios. Aquam ope caloris in vapo^res resolutam et sic partibus corporis humani applicatam, quod dicitur balneum vaporis seu Lachnicum, in interstitia et poros partium corporis humani solidarum externalium penetrare, eas emolliere et relaxare, tensionem earum imminuere, materias in iis stagnantes motui aptas reddere, et stases, et, quae ab his pendent, mala tollere, eaque omnia longe facilius celerius et fortius majorique gradu efficere, quam aquam eodem gradu calidam sub forma cataplasmati fomenti et balnei non vaporosi calidi adhibitam, partim ex principiis physicis, partim ex experientia, quae aquae calidae utroque modo dicto applicatae effectus docuit, satis apparere arbitror. Praeterea eiusmodi halituum calidorum aequae ac balneorum calidorum vis est insignis poros et vas^a cutis aperiendi et ampliandi, calorem et motum sanguinis augendi et sudorem producendi.

§. III.

§. III.

Vir eruditionis praestantia et artis exercitio celebris D. D. MARCARD in egregiorum tentaminum medicorum parte secunda p. 64 -- 68 optime modos eorumque optimum aquam calidam in vapores mutatam seu balneum Laconicum corpori humano applicandi, et, quae hac de re scitu sunt necessaria, optime exposuit machinamque huic rei maxime idoneam descriptis, quem legere benevolum lectorem non poenitebit. Sumitur ad eiusmodi balneum aqua vulgaris, et, quae melior habetur, pluvialis ad ebullitionem calefacta aut simplex aut cum vegetabilibus, quae scopo idonea habentur, decocta. Sunt, qui existiment, balneum Laconicum ex aqua cum vegetabilibus cocta paratum plus valere, ob partes, quas ab illis accepit, quam ex aqua simplici factum; ast notandum est, non omnium remediorum partes et vires una cum vapore aquae posse ascendere et vegetabilia odore et partibus non evaporantibus parentia aquae cum iis decoctae novas aliasque vires, quam quas aqua simplex cocta habet, largiri non posse. Nihilominus saepe medici vegetabilia et ex his emollientia praescribunt et bono quidem consilio, ne aegro et amicis remedii simplicitas contemtum pariat, quamvis non ignorant, aquae in vapores

pores solutae virtutem solum agere. Quodsi vero vegetabilia ad balneum Laconicum cum aqua decoquere cui placuerit et cum hac illorum vires communicare, odore et partibus, quae in vapores mutari possunt, praedita sunt eligenda.

§. IV.

Applicatur balneum vaporis vel toti corpori vel singulis eius partibus modo a laudato D. D. MARCARD descripto hisque primo per horae quadrantem, deinde per longius tempus, horas duas, et longius, multumque balnei effectum juvabit partis affectae, cui applicatur, ascidente vapore lenis frictio saepius peragenda, neque minus commodum affert, cum ante vel post balneum remedium conveniens externum parti affectae infricatur aut eius frictio panno laneo fumo salubri referto instituitur. Ante omnia post eius usum partes probe desiccandae et tegendae. Proderit etiam ante venam secare et primas purgare vias, si ita visum fuerit, quam hoc balnei genus adhibeatur.


§. V.

Quum balnea vaporis ex aqua calida parata eodem agant modo, quo cataplasma et fomenta calida, vi emolliente et relaxante in omnibus istis corporis humani affectibus, in quibus cataplasma et

et fomenta abdomini imposita ratione et experien-
tia teste conducunt, maiorem aut saltim eundem sa-
lutarem effectum praestare balnea vaporis, facile
est intellectu. Quid? quod omnia ista, quae clysteres
emollientes demulcentes et relaxantes praestant, vt
pote qui dolores et molestissimas ac pernicioſas spa-
ſticas stricturas in abdominalis visceribus faevientes
fedare, excrementa et intestina siccata humectare
et lubricare, dura emollire, fordium egressum pro-
movere solent, et tum emolliendo et relaxando vias,
vt stagnantes materias transmittant, atque impetum
humorum a tergo urgentium in eas augendo,
tum has mobiles reddendo infarctus vasorum visce-
rum et glandularum abdominalium et mala exinde
orientia tollunt, majori gradu expectari possunt a
vaporibus aquae calidae ope machinae commodaे,
quam invenit illustris KAEMPF, in anum immisſis.

§. VI.

Cataplasma et fomenta **ex aqua** vel **laſte** ap-
plicata calida inter emollientia et relaxantia et vi
dolores et spasmos fedandi praedita remedia princi-
pem optinere locum, res satiſ est cognita, et ma-
iorem, faltem eandem vim competere balneis va-
poris ex aqua factis, ratio et experientia docet. Vir
egregius D. D. MARCARD eorum vtilitatem in im-



manibus articulorum et membrorum doloribus atque affectibus rheumaticis vehementi dolore aegrum cruentibus insignem expertus et exemplis adductis testatus est. Neque minus vapore lactis et aquae calidae in aures immisso earum dolores insignes sedandi nullum praestantius reperiri remedium, observationibus constat, quas Experientissimus D. D. MARCARD aliique litteris consignatas reliquerunt. In membris contractis, rigidis, succorum bonorum affluentium penuria laborantibus, tabe confectis et exsiccatis, articulorum immobilitate et rigiditate, si qua medela superest, haec certe ab huius remedii repetito et continuato usu expectanda est. Maxime notatu digna visa est historia illa, quam relata legi apud celeberrimum D. D. MARCARD l. c. de foemina juvene phthisi febre continua et tussi, qua ejiciebat pus, laborante, cuius cutis toto corpore adeo sicca erat, ut membranae pergamentae similis esset, quo transpiratio prohibebatur, cui aegrotae mira praestitit vapor aquae calidae, quo non cutis solum sicca emollita et transpiratio suppressa restituta, sed reliqua etiam mala imminuta sunt et status aegrae in meliorem versus reperiebatur.

ANNO 1550

1550

§. VII.

Balneum vaporis, quod corpus humanum lecto tectum circumdat, dum corpus senile debile exhaustum cum juvenili vegeto et succis bonis vitalibus abundante sub stragulis decumbit, tanquam ceteris praestantius hic noto, quia illud huius halitibus, quos haurit tot bibulis vasis, reficitur et novum vitalis pabuli commeatum accipit. Pertinet huc id, quod de Hermippo narratur, si verum est, qui annos centum et quindecim puellarum anhelitu vixisse dicitur, de quo legi meretur celeberrimi COHALVSEN Hermippus redivivus. Sunt, qui aliorum animalium viventium fotu pro humano utantur, ut canis ventri inter saeviora tormenta incumbentis, quod remedii genus post Robertum Boyleum a multis passim commendari videas, crebrior tamen est mactatorum animalium usus, quorum calentibus adhuc visceribus partem sensu motuve destitutam, dolentissima immobilitate aut contractura affectam, admirabili cum successu, aliis frustra tentatis, immittunt.

§. VIII.

In lue venerea balnea vaporis ab aliis magnis extolluntur laudibus, ab aliis damnantur. Id scio expe-

—————

experientia edoctus, morbos venereos particulares, vt partium genitalium inflammationes et tumores, phymosin, penis distorsionem, testiculorum tumorem, bubones idque genus alia mala a causa venerea oriunda, adversus quae cataplasma et fomenta calida ex aqua vel lacte aliaque remedia nihil valuerunt, balneis vaporis feliciter curata fuisse.

§. IX.

Non raro sequitur vsum cataplasmatum et fomentorum emollientium ad tumores applicatorum horum discussio loco suppurationis, quam intendimus et speramus, quia vasa emollita ac relaxata materiam stagnantem transmittunt, resistentia fibrarum vasorum telaeque cellulosae imminuta affluxus humorum a tergo augetur, quo partes stagnantes, quae iam magis dilutae et mobiles redditae sunt, propelluntur et sic fit discussio. Tutius ac certius eam a vapore aquae vel lactis calidi expectare possumus, quam quoque sequam esse observationes ab Experientissimo D. D. Marcard l. c. consignatae probant. Idem vapor aquae vel lactis calidi, quia ad mammas admissus lactis affluxum et effluxum auget, in puerperis, quae infantes lactare volunt nec sufficientem lactis in mammas affluxum habent, ad lac alliciendum adhiberi potest. Quid? quod si neque infantum suctione

suctione neque instrumentorum sugentium vsu lac ex mammis elici non potuit, id' ope vaporum aquae calidae, quibus mammae expositae fuerunt, factum fuisse, vt lac ex papilla destillaret, experientia docuit, de qua vide Praestantissimum D. D. Mar-
card l. c.

§. X.

In Russia aeque atque in aliis provinciis variolas grassari, sed in Russia minus pernicioſas esse, quam in aliis provinciis, testantur Auctores, *) cuius rei cauſam frequentiorem balneorum sudoris et vaporis in Russia vſum declarant. In Collectio-
num Berolinensium, quae inscriptae sunt: *Berlini-ſche Sammlungen* Volumine primo pag. 273 relata le-
guntur varia, quae vſum balnei vaporis in retroce-
dentibus variolis expellendis egregium probant,
exempla.

§. XI.

In inflammatione pulmonum discutienda va-
por aquae calidae solius, vel, quod melius, cum
aceto vini mixtae, et, quod longe efficacius est,

aceti

*) Confer illuſtris Schloezeri Traetatum, qui inſcribitur: *von der Unſchädlichkeit der Pocken in Russland und von Russlands Bevölkerung* Göttingen 1780. 8v. et *Ant. Riberii Sanches Traet.* de cura variolarum ope vaporandi apud Russos omni memo-
ria antiquioris vſu recepti.

aceti vini calidi in pulmones attrahendus summopere conductit. Halitus enim calidus et humidus aqueus relaxat maxime vasa pulmonum, ut facilius transmittant humores stagnantes, hos vero diluit, fluidos et mobiles reddit et sic inflammationis discussionem promovet. Vapor aceti aquae vaporem vi resolvente longe superat simulque putredini resistit multosque, qui peripneumonia graviter laborant, e mortis faucibus eripuit, quod observationibus probari potest. Immortalis BOERHAVE *Aphorism. de cognoscendis et curandis morbis* §. 850. in peripneumonia commendat balneum vaporis aquae dulcis ad pulmones, nares, os, pedes, crura, et Perillustris eius *Commentator Commentar.* Tom. II p. 776. summopere conductit hoc in morbo, inquit, aer inspiratus tepidus et humidus, quo nihil magis laxat, vnde muccinia aqua tepente madida naribus supponere oportet totamque atmosphaeram, in qua aeger decumbit, simili habitu replere. Balnea vaporis pariter in peripneumonia inferioribus corporis humani partibus sunt applicanda, ut et aqua venis bibulis resorpta sanguinem diluat et vasa istarum laxet et laxata vasa maiorem copiam humorum in se retineant sicque impetum et copiam humorum a pulmone, quantum fieri poterit, subducant. Laxantur quoque per

per balneum vaporis vasa pulmonum et laxata facilius transmittunt humores, dumque toti corpori similia applicantur, flaccescunt omnes partes et maiorem copiam humorum retinent, quod hic requiritur. Praeterea sanus et robustus homo continua balnei vaporis applicatione sic debilitari poterit, ut langueat totus, adeoque poterunt hoc in morbo per eadem pro lubitu vires vitae sic minui, ut nullum periculum sit, ne immeabilis sanguis profundius in vasorum pulmonalium angustias adigatur, quod multum ad curationem facit. Vir eximius, TISSOT in libro suo, qui inscribitur: *Anleitung für das Landvolk in Absicht auf seine Gesundheit* in peripneumonia vaporem aquae calidae, quacum paulum aceti mixtum est, aut acetum vini inspirando attrahendum maxime commendat huiusque ope multos e summo vitae periculo ereptos esse testatur.

§. XII.

Illustris Muzelius in collectione prima observationum medicarum et chirurgicarum p. XI. refert curationem ulceris pulmonum et exinde ortae phthiseos ope vaporum decocti calidi ex radicibus et herbis pectoralibus parati et cum olei aetherei terebinthinae vncia dimidia mixti quater de die

[REDACTED]

in pulmones attractorum et machinam ad id remedii genus applicandum modumque adhibendi ibidem descriptis. In libro, cui titulus: *Neueste Heilkunde oder Heilungsmittel, die entweder ganz neu erfunden oder zur Cur mancher höchstverzweifelter und fürchterlicher Krankheiten von neuen eingeführt worden sind, aus dem Französischen der Herren Büchoz und Marquet,* exempla plura, quae insignem utilitatem methodi phthisin ope vaporum decoctorum pectoralium curandi confirmant, existant, simulque mutationes et emendationes machinae ad hoc curationis genus necessariae descriptae sunt. Vapor aquae lactis vel decoctorum emollientium cum aqua vel lacte calidorum naribus attractus in gravedine et ab hac pendentibus symptomatibus, et faucibus exceptus in doloribus tumoribus et inflammationibus faucium et colli quantum praestet utilitatis, tam notum est, ut de eo multa verba facere non opus sit.

§. XIII.

Venio nunc ad vapores siccios, ad quos potissimum pertinent vapores mercuriales, qui ad luem venereum et sic dicta vitia localia venerea olim adhibebantur. Parabantur eiusmodi suffitus ex cinnabari eaque vel sola vel cum aliis mixta aut ex mercurio vivo saliva aut terrebinthina extincto, quibus admiscebantur alia igni concipiendo et aleando

do apta, ut thus, olibanum, storax calamita, gummi anime, succinum, gummi juniperi idque genus alia, quae singula aut in pulverem redigebantur ad suffiendum adhibendum aut in pulverem redacta cum mucilagine gummi tragacanthae formabantur in trochiscos vel terebinthina excipiebantur in formam opiate. Cum iis utendum erat, aegrum plane nudum in cista conopeo seu velo lineo stantem vel sedentem inclusum vel exerto capite constituebant, in suppositum vas prunis plenum certam pulveris mercurialis quantitatem aut trochiscos aliquot mercuriales per vices injiciebant fumoque exhalanti aegrum exponebant et in lectum calidum collocabant stragulis probe teatum, ut sudor eliceretur, quo facto post ei alimenta porrigebantur. Quae suffiendi ratio singulis diebus aut quovis biduo repetita fuit, prout e re visum fuerit. Cum vero ad morbos, adversus quos adhibebatur, debellandos minus sufficeret, quid? quod varia gravia mala et damna sanitati inferret, nervis capiti et pulmonibus plurimum noceret, in contentum venit et obsolevit nec nostra aetate adeo frequens est, interdum tamen ad resolutionem scirrhi nodi tophi ganglii exostoseos et doloris in parte quadum sedentis a caufsa venerea adhibetur, immo illustris Facultas medica Parisiensis in consilio, quomodo lue

venerea infecti sint tractandi, quod in linguam germanam translatum exstat in ista collectione, quae inscribitur: *Sammlung auserlesener Abhandlungen zum Gebrauche praktischer Aerzte zmeyter Band viertes Stück p. 148.* modum cinnabaris decem vel quindecim granis prunis iniectis eiusmodi infantum corpora suffiendi maxime commendat aliisque omnibus praefert. Neque hi soli sunt, qui hanc mercurialibus suffiendi rationem laudant. Sunt et alii, qui eam salutares interdum in curandis morbis venereis praestitisse effectus testentur, vt Clarissimus SAMVEL SCHAAERSCHMIDT in relationum medicarum et chirurgicarum T. II. p. 227. seqq. et celeberrimus GARDANE in Tractatu de diversis luem venereum curandi methodis.

§. XIV.

Longe maiori utilitate se commendant suffumigia, quae ex gummi anime, tacamahaca, olibano, succino et id genus aliis parantur, in pulmonum morbis, a refrigeratione et suppressa transpiratione, humorum viscidorum affluxu congestione stagnatione atque accumulatione oriundis, vt pulmonum catarrho, pectoris angustia, tussi et asthmate, tam materiae ad excretionem minus aptae indolem siccis, quam humidis et pituitosis, ore in pulmones attrahenda.

da. Novit illustris Praeses virum maxime reverendum, sacrorum antistitem, qui noctu in lecto sudans ad aegrum vocatus aeri frigido se exponere coactus incidit in asthma siccum cum pectoris angustia et suffocationis periculo coniunctum, cui contabesentia accedebat. Forte fortuna accidit, vt ei, cum conclave eius gummi anime suffiretur, fumus huius ore in pulmones attractus tussim et expectorationem moveret morbumque levaret, quo incitatus fumum huius gummi maiori copia in pulmones attraxit, qui tussim et copiosam muci expectorationem excitabat, qua morbus eius penitus fuit profligatus.

§. XV.

Maxime notatu digna mihi visa sunt, quae in scripto, cui titulus: *Mannigfaltigkeiten, eine gemeinnützige Wochenschrift, dritter Jahrgang p. 90.* legi de egregio vsu, quem in pectoris affectu hecticam minante, quo continuo laborabat quidam militum praefectus, fumus igne fusae cerae flavae et resinae vulgaris praestitit. Iste aeger vehementem catarrhum et haemoptysin passus incidit in continuo afflagentem molestum pectoris morbum, qui artem medicorum et medicamentorum vim omnem elusit, ita, vt horum pertaesus nihil amplius adhibere vellet. Forte fortuna accidit, cum vi-

num

num in vasa vitrea transfundere iisque obturatis partem massae ex cerae flavae et resinae vulgaris libra dimidia constantis igne liquefactae superfundere vellet, ut mali levamen sentiret et facilius expectoraret, quod a fumo huius massae igne fusae inspirato derivabat. Neque hac in re se fefellit. Cum enim occlusis fenestris et janua hunc vaporem maiori copia in pulmones attraheret idque per quartuor et quinque dies repeteret, malo suo penitus liberatus fuit. Quod remedium etiam diu post ab aliis simili successu adhibitum fuisse, ibidem relatum legimus. Et profecto, in ulcere pulmonum et hinc pendente phthisi vapores medicati cum aere inspirato possunt totum cavum aereum pulmonum vndique alluere et sic, pro varia ulceris conditione, diversa poterit applicari medela. BENEDICTVS *Tabidorum Theatro XXVIII exercit.* in phthisi pulmonali, morbo tam gravi et difficili curando multis fustulit laudibus vaporum humidorum et siccorum inspirandorum usum eumque omnibus aliis remediis anteponit. „Inter praesidia, inquit, adversus tabem evaporatio- „nes et suffitus tanquam nobiliora et quibus vnicem „in extremis angustiis confidamus, pensitanda „sunt etc. pulmones enim aridiores et tensiores ho- „rum madore intenerantur, humentes nimisque laxa- „ti illorum siccitate indurantur, putredine et visco- titate

„sitate obliniti levantur, amborum denique consor-
 „tio vlcera fordescientia deterguntur nec non novae
 „affluxurae materiae et in partes assurgentis vis mo-
 „lesque reprimuntur, simili semper in assumtis affer-
 „vato scopo.” Plures ibidem enarrat casus, qui do-
 cent felicissimos huius methodi effectus et describit
vasa, per quae commode vapor humidus vel siccus
 applicari potest sic, ut tuto ad vasa pulmonum ae-
 rea pervenire valeat: simul varias medicamen-
 torum formulas pro evaporatione humida et sic-
 ca praescribit, quae diversis indicationibus emollien-
 do exsiccando roborando resolvendo abstergendo
 expectorationem promovendo et consolidando vel
 alio modo satisfacere possunt. Miratus sum, BE-
 NEDICTVM auripigmento cum albumine ovi in tro-
 chiscos redacto pro suffimigio vsum fuisse, cum ve-
 nenatae sit indolis nec tam innoxium, ut ab aliis praed-
 dicatur. Etiam sulphuris communis vsum in suffi-
 tibus longe antiquissimum invenio. De vsu medico
 suffiti sulphuris DISCORIDES Lib. V. cap. 124. ita:
 tuſſientibus, inquit, purulenta exſcreantibus et ſuſpirio-
 ſis prodeſt, tam in ovo ſumtum, tam etiam ſuſitum
 ſulphur: praeterea partus vſti nidore extrahitur, gra-
 vitatem auditus suffiti nidor per fistulam admissus fa-
 nat: lethargicos suffitu excitat. Singularis eſt vſus,
 quem Angli invenerunt, quemque in BENEDICTI

Theatro Tabidorum me legere memini, vt jubeant tabidis extreme suspiriosis flores susphuris admisce-re foliis tussilaginis concisis atque sic ex fistula taba-co fugendo destinata fumum in os adducere. Vix ausus fuisset, hunc modum inter suffimenta referre, nisi viderem HEVRNIVM iam pridem mihi praeeun-tem, qui fumum tabaci inter optimos suffitus recen-set, et nisi aer vaporibus sulphureis scatens lauda-retur a medicis tanquam magnum remedium, si phthi-sici illum respirent diu; in monte Tabio nempe prope Neapolin FROMOND. *Risposta Apologet.* p. 438. Sic GALENVS *Method. medendi Lib. V. cap. 12. Charter. Tom. X. pag. 122. 123.* iam suo tempore tabidos ad *Tabias* able-gabat prope Vesuvium, vt ibi lacte uterentur et simul perpetuo talem aerem inspirarent. Idem arte imitari conabatur BENEDICTVS *Theatr. Tabidor* p. m. 145. „dum, cujuscunque sint, inquit, generis suffimigatio-„nes et halitus, penitus viceque ipsius aeris in partes „spirabiles suscipiantur, in conclavi aut cubiculo, clau-„sis fenestris, vt vitetur omnis aeris frigidioris affla-„tus ibique diu perduret aegrotus; secus enim in cas-„sum exercentur. Monet simul, primam suffituum in pulmones susceptionem esse laboriosissimam, peracta vero deterione, (quod cito fit) facilius eam peragi.

§. XVI.

THOMAS WILLIS Oper. omn. Pharmaceut. ration.

Parte II. p. 60. in phthisi nondum deplorata vapo-
res humidos et suffitus plus, quam alia quaevis re-
media, prodesse testatur, et RIVERIVS Prax. med.
Lib. VII. cap. VII. de phthisi auripigmenti vsum ad
suffiendum hoc in morbo rejicit et loco hujus suffi-
miglia ex thure, myrrha, mastiche, benzoe suadet,
quae semper sint in conclavi, vt siccus aer et odo-
ratus attrahatur. Vapores ex antimonio liquato as-
surgententes et ore exceptos catarrhalibus, suspiriosis,
asthmaticis optime facere illustris chemicus b. STAHL-
LIVS alicubi commemorat. Celeberrimus MEAD
Praecept. et Monit. pract. p. m. 29. ulceribus pul-
monum et hinc oriundis febribus lentis et hecti-
cis in casibus nonnullis vtilissimum esse monet
balsamicis, qualia sunt thus, styrax, succinum,
benzoe, humores acres et salfos delenire ac tempera-
re; quae in prunas iniecta vaporare debent, vt fu-
mus eorum per tubum aptum in asperam arteriam et
pulmones recipiatur. Scio, pergit, vix in usu esse hanc
medicinam et tanquam inutilem a plerisque negligi.
Quisquis autem secum reputaverit, quam longo itine-
re, per canales scilicet sanguinis, res huiusmodi ad pul-
monem ferantur et quam exigua illarum pars ad locum
destinatum perveniat; is sane facile videbit, si qua-

in illis sit virtus, hac potissimum via impetrari posse. Testatur idem vir illustris, fumum ex balsamo Tolutano, more tabaci, per tubum in pulmones inspiratum usus fuisse eximii, praecipue in sanguinis sputo; sed et videtur inde metuenda tussis. BENEDICTVS *Theatr.* *Tabidor.* suffitus quidem laudavit, sed non ad haemoptoēn sedandam, verum potius ad detergendum pulmonum vlcus: „diserte enim moneret sequentia: Suffitus non statim ab eroſo vasculo aut visceris parenchymate submoveantur, sed post dies quatuordecim in primis a sedata haemoptysi. Per illustris VAN SWIETEN, vide eius *Commentario.* in *Aphorism.* *Boerhavii Tom. IV.* p. 98. imitatus est hanc methodum in curanda phthisi pulmonali a vomica: curabat enim, ut per tubum vapor aquae calidae perpetuo exiret prope lectum primo, dein, ubi hoc facile ferebant, proprius admonivit, ut aerem tepidum et humidum diu respirarent. Sic obtinuit, ut citius rumperetur vomica. Suffumigia autem ex thure, succino, styrace, benzoe sic adhibuit, ut aer cubiculi, in quo aeger versatur, his impregnaretur, sensim augendo quantitatem suffumigii: nisi enim hoc prudenter fiat, validissima tussis sequitur, quae nocere posset: thuris et styracis halitum facilius ferunt, succinum vero magis irritat, cum per ignem in oleum satis calidum et saltem volatilem acidum resolvatur: benzoe vero, licet

cet suavem odorem habeat, parciori copia suffimigii misceatur, quia halitum satis acrem spargit, qui, chartaceo operculo si excipiatur, condensatur in moleculas nivei coloris, quae in officinis sub titulo florium benzoës prostant et calidam valde virtutem habent, ita, ut linguae imposita unctionis sensum producant. Benzoës vapore usus fuit hic Vir supra laudes meas positus, ut, emollita prius per vapores vomica pulmonis subita et valida tussi excitata rumperetur.

§. XVII.

Vapores siccios ex gummi anime tacamahaca olibano storace succino idque genus aliis praehumidis in statu pulmonum humido, humorum seroforum et pituitosorum versus pectus affluxu aucto eorumque accumulatione nimia, pulmonum laxitate flacciditate et atonia, horumque morbis, quibuscum haec vitia sunt coniuncta, potissimum conducere et maxime salutares producere effectus, dubio caret omni. Praeterea eiusmodi suffitus irritante et roborante resolvente et discutiente virtute tussim et expectorationem excitare et promovere, matrias hinc inde stagnantes accumulatas et adhaerentes pectoris angustiam et oppressionem, respirationisque difficultatem producentes expellere, pulmonum vim contractilem et robustum augere, respirationem impeditam liberiorem et faciliorem reddere, quisque

rei peritus facile videt. Vapores humidos emolliente virtute praeditos in memoratis pectoris et pulmonum affectibus minus prodesse, sed potius valde nocere et praesentia mala peiora et graviora reddere, e contrario in statu pulmonum sicco rigido et spastico, expectorationem et respirationem impeditente, tussi et asthmate siccis et convulsivis maxime prodesse, ex eorum effectibus et modo agendi facillimum est perspectu.

§. XVIII.

In Monumentis Academiae Chirurgicae Parisiensis Tomo V. p. 465 exstat a Clarissimo BILLARD Commentatio de suffitu ceu remedio adversus phthisin. Magis fayet hic vir suffitui inspirando, quam evaporationi humidae illumque huic praefert, quia phthisin plerumque a pulmonum debilitate, quam vapores humidi augeant, oriri, existimat. Aerem contra temperate calidum purum balsamicis aromaticis beneque olentibus vaporibus repletum simplex quidem, sed simul praestantissimum remedium curandi phthisin esse saepe eum docuit experientia, in primis vero vaporem ex cera flava recenti et resina vulgari aequali quantitate sumtis et igne liquatis, quo aegri conclave est replendum, aegro haemoptysin passo et phthisi purisque exscreatione, febre lenta et sudoribus colliquativis laboranti egregiam tulisse

tulisse opem et levamen, postquam circiter quinquaginta dies et singulis diebus ter vel quater hoc suffitu usus est, observavit. Quovis septimo vel octavo die massam recentem ad suffiendum et prima vice loco resinae terebinthinam sumvit, quia haec maiorem, quam illa, fumum exhalat, et cum mixto ex terebinthina et cera parum balsami Canadensis albi vel Peruviani vel aliis substantiae resino-fae balsamicae additum fuit, hanc massam gratiorem et efficaciorem vaporem praeceteris dispergere, animadvertisit. Ceram flavam recentem praeceteris maximam vim et efficaciam possidere existimat, id quod ex eius odore praedominante concludit, quam praeterea ob vim emollientem et anodyniam, quam ei attribuit, in istis casibus, in quibus eiusmodi vis utilis est et necessaria, primum solam, dein cum convenienti resina vel balsamo adhibendam conducere arbitratur et phthisicis usum candelarum cerearum accensarum loco sebacearum suadet. Nec desunt alii, qui vires cerae flavae, in primis istius, quae dicitur propolis, magnis extollunt laudibus, et vapores cerae, praesertim propolis, eandem vim et efficaciam possidere, quam balsama. Cum phthisis oritur a materia acri pulmones infestante, sive ex massa humorum circulantium, in quibus haesit, sive ex exanthematibus retropulsis aut ulceribus nimis cito exsiccatis et consolidatis sit ad eos delata,

usum

vsum simul vesicatoriorum, fonticulorum setaceorum et corticis mezerei externum commendat.

§. XIX.

Ne ignorantiae rerum in medicina gestarum accuser, silentio praeterire non possum phthiseos curationes in bovili institutas, quas Celeberrimus READ in tractatu, qui titulum gerit: *Essai sur les effets salutaires du sejour des etables dans la phthisie par Monsieur Read, Docteur de la Faculté de Mont. pellier, ci-devant Medecin des Armees, à Paris 1767.* 8. descripsit quarumque utilitatem variis argumentis demonstrare annis est. Aerem bovilis omnibus antiphthisicis, balsamicis, vaporibus medicatis idque genus aliis remediis antefert, quia vt lene balneum vaporis agit neque ita irritat ac calefacit, vti memorata remedia. Tempus huic curationi commodissimum autumnale hiemale et veris principium judicat. Tribus vel sex vaccis in spatio stabulo contentis pabulum salubre et ex herbis aromaticis constans et potum ex aqua pura et salubri praebere, omni trihorio stabulum expurgare et aegri lectum a fundo stabuli aliquot pedes remotum esse jubet, gradum caloris in stabulo, ope thermometri, quod inter decimum quartum et decimum sextum gradum stare debet, determinat atque initium curationis facit laxante. Reliqua qui scire cūpit,

pit, legat scriptum paulo ante citatum. Caeterum quamvis haec phthisin in stabulis curandi ratio multis magnisque laudibus sublata et commendata fuerit, nihilominus tamen nullos vel saltim paucos nata est imitatores.

§. XX.

Celeberrimus LIND in scripto, cui titulus: Two Papers on Feuers and Infection, quod in ista tractationum collectione, quae inscribitur: *Sammlung ausserlesener Abhandlungen zum Gebrauch praktischer Aerzte Band II. Stück III.* in linguam germanicam versum continetur, p. 160 ibidem, summam, existimat, munditiem et aerem libere accedentem et permeantem ad contagium abarcendum et abigendum admodum necessariam esse, sed minime semper sufficere, contra ignem et fumum ex accenso tabaco vel sulphure raro aut nunquam in extinguendo aut abigendo contagio, locis et domiciliis eo infectis ab eo liberandis inefficacia fuisse experientia teste. In conclavi, vbi aegri morbo contagioso laborantes sunt, ignem camini lignis sustentatum maximam praestare utilitatem, fumum ligni accensi et post hunc fumum pulveris pyrii accensi, dein corticis cascarillae accensi, qui odorem spargit valde gratum, et, qui longe praefstat, vaporem aceti vini,

D

quo-

quocum camphora mixta, calefacti optimum esse
remedium vim contagii infringendi et abarcendi, ae-
remque infectum corrigendi et purgandi experientia
edoctus affirmat atque multos non contemnendae
auctoritatis medicos habet consentientes. Neque
ad vestimenta, merces, instrumenta, lectos, culcitrae,
suppellecia, quibus contagium inest, ab eo pur-
ganda sufficere, ut aeri libero exponantur, quia ve-
stimenta contagio varioloso infecta, quae aer bene
perflavit, ad locum satis diffitum delata cum hoc
contagium variolosum communicaverunt et variolas
induxerunt, sed necesse esse, ut omnes istae res pro-
be suffimigentur, arbitratur. Pulvis pyrius accen-
sus longeque magis tormentorum eo repletorum
explosio vehementer commovendo atque exagitan-
do aerem eumque alicubi stagnantem vel haerentem
propellendo et acidis partibus igne liberatis corri-
gendo ad pestem morbosque contagiosos tam prae-
cavendos quam curandos et contagium tam propel-
lendum quam infringendum commendatur. Eadem
efficere conati sunt ignibus succensis magnis ex li-
gnis et materiis resinosis et acidum copiose exhalan-
tibus, alii vero eiusmodi magnos ignes excitatos
in morbis contagiosis minus salubres declarant, per-
suasi, his aeri inhaerens principium istud, quod pa-
bulum vitae animalis ipsiusque ignis est, destrui.